



Tahqtipkaidjutikhat

Qilamik Tuhaqtidjutikhaq

Moody-kut naunaiffaaqtangit GN-kut Aa1 naunaitkutariyaa tallimanut ukiunganut

IQALUIT, Nunavut (Taaqhivalirvia 20, 2017) – Kiinauyaliqiyikkut Ministanga Keith Peterson quviagiyyaa taimaa, tallimannguqtumut ukiunganut atayumik, Moody's Investors Service naunaiffaaqtaat Nunavut Kavamanga (GN) aullahimmaaqtuq atukkiutinut naunaitkutaa Aa1 ihuaqpiaktumik. Una naunaitkutikhaq hivullirmik pihimayuq GN-kunut talvani Niqiliqivi 2012.

"Pihimahimmaaqhugu pikput Aa1 naunaitkutaq tallimani ukiuni atayumik naunaikhidjutaa taimaa Nunavut Kavamanga ihuaqpiaktumik pidjutaat akilikhiutinut ilitariayyuq atauhiuvluni hakugikniit kavamaptingni," uqaqtuq Minista Peterson. "Kavamapta qayagivlugit maniknut ukiunganut atuqtakhainut, atugakalluangittumik ihuaqtullu ihumaliurutit humut manikhanut ikayuqtikhaptingnut piyaaptingni pipkaktaatigut ihuaqtumik havakhugit maniit ukiunganut ihuaqtumik pivlugit."

Moody's atukkiutinut naunaiktaat GN-kut angiyumut kanataup kavamangni nuutiutit ikayuutauyuq maniliurutikanut, mikivluni akiliktaaqhunilu atukkiutaat – mikitqiayyuq tamainnit avikturviinni nunanilu – pivaktamingnut naunaitkutaat ihuaqtuq aatauttimungaqhimaayut maniliurutigivagait atukkiutimingnut hakugiknikhainut. Kihimi, Moody-kut naunaiktaat amigaitqiayamit qitqani hivituniani GN-kut ayuqhautiqaqhimaaqniaqtumik piyakhanut, taimaatulluaq pidjutigihimmaaqpaktamingnut auladjutinut aulapkaidjutikanullu akiliutikhanut, mikiyuq naunaktuq maniliurutikhaq ihumagilluaqpakhugit uyaraqhiurtit havagviit, aallannguqhimmaaqpaktuni kavamaliqidjutikhat munaridjutikanullu atugakhat.

Piliuqtiiyuq atukkiutinut naunaitkutainut inmikkut ihumagidjutaa piniariakhaanut havagviup pittaqluni uukturumavlunilu pilugit inmik manikhanut piyakhatik. Naunairumagungni ukuninga Moody's Investors Service, qaritauyakkut takuyakturlugu www.moodys.ca.

###

Tuhagaqtidjutikhanut Uqaqvikhaq:

Denise Grandmaison
Atan'nguyaq, Tuhagakhanut
Kiinauyaliqiyikkut
867-975-6818
FinanceComs@gov.nu.ca

新闻稿在因纽特语、英语、印第安语和法语版本上都可以在 www.gov.nu.ca 上找到。

Tuhaqttaghat ittut Inuktitut, Qablunaatitut, Inuinnaqtun Uivitiitullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.